


DESEMBER 2013

# Bulletin

*Amptelike nuusbrieff van die Munisipaliteit Overstrand*



Coenie Groenewald, Rhyn Potgieter, Don Kearney en Burgemeester Nicolette Botha-Guthrie

## DRIE STERRE VIR ONRUS-KARAVANPARK!

Ons kan met trots aankondig dat Onrus-karavaanpark sedert Oktober 2013 met drie-ster-status kan spog soos toegeken deur die Suid-Afrikaanse Toerisme Raad.

Parkbestuurder, Rhyn Potgieter, en sy span verrig werklik wonderde om te sorg dat hierdie karavaanpark altyd deur 'n ring getrek kan word.

Rhyn sê, "Oor die afgelope sewe jaar het ons 'n allemintige R700 000 net aan ablusiefasiliteite bestee en ook 'n reuseheining rondom die park opgerig. Baie tyd en beplanning is

ook daaraan gewy om kampeerdere se veiligheid en sekuriteit te verseker."

Die karavaanpark het ongeveer 250 staanplekke waarvan 70 op 'n semi-permanente basis beset word.

Kontak die kantoor by 028 316 1704 /1210 indien jy enige navrae het of 'n bespreking wil maak. So nie, kan jy 'n e-pos rig aan [resortonrus@overstrand.gov.za](mailto:resortonrus@overstrand.gov.za) of die webwerf by [www.overstrand.gov.za](http://www.overstrand.gov.za) besoek.

## KERSBOODSKAP

Namate nog 'n jaar ten einde snel, vergun my 'n oomblik om na te dink en die geleentheid om jou en jou geliefdes alles van die beste vir die Feesseisoen toe te wens.

In ons voorbereidings om Kersfees 2013 te vier, mag ons nooit die ware doel van hierdie heugelike geleentheid uit die oog verloor nie - 'n tyd om te gee en te vergewe.

Die Feesseisoen is 'n tyd vir geestelike nadenke wat almal van ons op ons eie unieke manier vier. My wens, egter, is dat elke Overstrander hierdie tyd sal gebruik om aan familie en vriende te wys presies hoeveel ons hulle waardeer en om tegelyk 'n hand van vriendskap uit te reik na die haweloses en diegene wat minder bevoorreg as ons is - veral daardie mense vir wie hierdie tyd van die jaar al te dikwels met erge alleenheid gepaard gaan.

Mag geloof, hoop en liefde altyd met julle wees!

**Uitvoerende  
Burgemeester,  
Nicolette  
Botha-Guthrie**



## JUNIOR STADSRAAD VIER 10 JAAR

Overstrand se nuutverkose Junior Stadsraad vir 2013/2014 is op 24 Oktober ingehuldig - 'n luisterryke geleentheid wat die 10de bestaansjaar van hierdie Raad gedenk het.



**Voorste ry van links:** Esethu Nqanqase, Sheila Swart (Junior Onderburgemeester/Gansbaai Academia), Zuko Mrayise, Theminkosi Mcinjana, Lochel Coetzee (Uitvoerende Lid/Northcliff House), Nyasha Boko (Uitvoerende Lid/Qhayiya Sekondêr), Sonwabile Calata (Junior Burgemeester/Qhayiya Sekondêr), Burgemeester Nicolette Botha-Guthrie, Shani Arendse (Uitvoerende Lid/Hawston Sekondêr), Nontuthuzelo Unity Mtomile (Junior Raadsbestuurder), Charnay Vorster (Junior Onderburgemeester/Curro Hermanus), Marlo Jacobs, Jövan Prince, Crystal Fiver, Chrisam Witbooi en Philani Matshoba. **Agterste ry van links:** Johan van der Merwe, Stefan Joubert, Jack Swart, Emeul Sauls, Analo Yawa, Shamima Brett, Jenica Conradie, Malcom Malope, Athini Ngijana, Jacques Hanekom, Joshua Albert, Nicole Blignaut, Zoe Chowney, Marihé Erasmus, Elané Groenewald, Johan Truter, Athena Spanellis, Sinalo Tyhilana, Roger Philander, Reagan Fortuin en Elgemine Fourie.

# BELANGRIKE KENNISGEWING

Rekeninge word ooreenkomstig die Raad se toepaslike beleid gelewer.

## SPERDADUM:

Rekeninge is betaalbaar wanneer gelewer. Die sperdatum op die rekening is slegs van toepassing op die lopende rekening en nie op die agterstallige gedeelte van die rekening nie. Bedrae wat vereffen word na die vervaldatum word beskou as agterstallig en die dienste kan opgeskort word sonder verdere kennisgewing.

## METODES EN PLEKKE VAN BETALING:

1. TJEKS moet gekruis en aan Overstrand Munisipaliteit betaalbaar gemaak word. Vooruitgedateerde tjeks is onaanvaarbaar tensy vooraf reëlings getref is. Geen kwitansie sal gepos word vir bedrae wat per tjek betaal word nie.
2. Betalings sal eerstens toegewys word na die oudste skulde (ongeaag watter tipe diens), waarna dit in 'n voorafbepaalde prioriteitsvolgorde toegewys sal word.
3. Betalings kan soos volg gemaak word:
  - 3.1 by enige van die MUNISIPALE KANTORE Maandae tot Vrydae (vakansiedae uitgesluit) 08:00 - 13:00 en 14:00 - 15:30.
  - 3.2 by enige tak van pay@, EasyPay of die Poskantoor. Verwerking van die betalings neem ongeveer 48 uur en moet die betalings dus minstens twee dae voor die laaste betaaldatum gemaak word.
  - 3.3 deur direkte BANKINBETALINGS by ABSA Hermanus, Rek No. 4066578021. U rekeningnommer moet as verwysing gebruik word.
  - 3.4 deur outomatiese debietorder. Vorms hiervoor is beskikbaar by enige van die Munisipale kantore.
  - 3.5 per EFT (elektroniese oorplasing van fondse). kontak asseblief ons kliëntediens vir navrae in hierdie verband.

## RENTE:

Rente sal ingevolge die Raad se beleid op agterstallige bedrae gehef word.

## OPSKORTING VAN DIENSTE:

Die toevoer van dienste mag, indien enige bedrag na die sperdatum verskuldig is, sonder verdere kennisgewing opgeskort word. Die deposito sal terselfdertyd hersien word en 'n toeslag, soos van tyd tot tyd deur die Raad bepaal, sal bygevoeg word ongeag of die toevoer fisies gestaak is al dan nie. Indien tjeks of outomatiese bankbetalings "verwys na trekker" teruggestuur word, sal die dienste onverwyld gestaak word en toekomstige betalings sal in kontant moet geskied. Die toepaslike koste sal op die rekeninghouer se diensterekening gehef word.

## REKENINGE:

Betaling mag nie weerhou word totdat 'n geskil besleg is nie.

Indien geen rekening ontvang word teen die 10de van 'n maand nie, moet 'n afskrif vanaf die Munisipaliteit aangevra word. Die rekening moet te alle tye getoon word wanneer 'n betaling gemaak word.

Indien u nie teen die 15de van die maand skriftelik beswaar maak teen u rekening nie, word aanvaar dat u saamstem met die rekening soos gelewer.

## BEÏNDIGING VAN DIENSTE:

Wanneer 'n perseel ontruim word moet die vertrekkende verbruiker die Munisipaliteit minstens 15 dae vooraf skriftelik kennis gee. Versuim hiervan sal tot gevolg hê dat die persoon aanspreeklik bly vir kostes gehef tot datum wat die kennisgewing ontvang en verwerk is.

## VOORAFBETAALDE KRAG:

Waar 'n voorafbetaalelektrisiteitsmeter in gebruik is en enige van die ander dienste op die perseel agterstallig is, sal slegs eenhede vir die waarde van 40% van die bedrag wat aangebied word, uitgereik word en die ander 60% van die bedrag sal teen die uitstaande rekening verreken word.

## OVERSTRAND GERAT OM DUISENDE TE VERMAAK

### Meeste besoekers ooit verwag



Overstrand is gereed om sy naam as een van Suid-Afrika se gewildste vakansiebestemmings gestand te doen namate vakansiegangers in hul duisende na ons kusdorpie stroom vir 'n pretbelaaide feesseisoen.

As 'n vakansiebestemming het Overstrand geen gelyke wanneer dit by die genieting van die natuur op sy beste kom nie, met hope buiteligaktiwiteite wat in almal se smaak val. En soos besoekers maar al te goed weet, het ons weer eens baie moeite gedoen om te verseker dat vakansiegangers kan uitsien na 'n veilige en skoon omgewing wanneer hulle ons swemstrande en openbare geriewe besoek.

Cape Whale Coast-toerisme het ook 'n hele verskeidenheid opwindende aktiwiteite beplan om vakansiegangers van begin tot einde te vermaak. Vir besonderhede oor elke individuele dorp se vakansieprogram skakel die onderskeie toerismeburo's soos hieronder gelys:

Hangklip-Kleinmond-toerisme	028 271 5657
Hermanus-toerisme	028 312 2629
Stanford-toerisme	028 341 0340
Gansbaai-toerisme	028 384 1439

So nie, besoek Cape Whale Coast se webwerf by [www.whalecoast.info](http://www.whalecoast.info) vanaf 1 Desember om die volledige vakansieprogram af te laai.

## GESTORWE MAAR NOOIT VERGETE

Die kleinerwordende groepie veterane in hul swart baadjies met stringe medaljes sorg jaarliks vir 'n knop in die keel wanneer mense oral in die wêreld op Herinneringsdag (ook bekend as Poppy-dag) hulde bring aan diegene wat so dapper vir volk en vaderland geveg het.

Byna sonder uitsondering noop die note van 'n enkele beuel wat die Laaste Taptoe blaas, die vlag wat stadig tot halfmas sak, die stilte wat vir twee minute ter eerbewys gehandhaaf word en die plegtige lê van talryke kranse, menige aanskouer van hierdie gewyde ritueel om 'n traan te pink.

Nadat sy 'n kranse namens die Overstrand-gemeenskap gelê het, het Burge-meester Nicolette Botha-Guthrie gesê: "Ons salueer ons soldate wat gesneeu het, maar wil tegelyk eer betoon aan daardie militêre veterane wat vandag steeds by ons kan aansluit om hierdie dag te gedenk. Hierdie soldate en burgerlikes wat in die Eerste en Tweede Wêreldoorlog, sowel as die Bosoorloë, geveg het, het 'n hoë prys betaal - en ons sal voortgaan om hulle te onthou."

Regiment *Westelike Provinsie*, houer van die Vryheid van Overstrand, het militêre luister aan die geleentheid verleen wat, soos gebruiklik, deur die plaaslike MOTH-tak georganiseer is.



Bill van Niekerk, 'n oorlewende van die Slag van El Alamein en laaste aktiewe lid van die MOTH'e bring hulde.

**Munisipaliteit  
Overstrand  
ondersteun 16 dae  
van geen geweld  
teen vroue en kinders**



GUSTAVO ROMERO

## VAKANSIEKONSERT

GUSTAVO ROMERO, professor in klavier by die Noord-Texas-universiteit, gaan langs ons kus kom vakansie hou en sal op Saterdag, 28 Desember 2013 om 19:00 'n uitvoering in die Auditorium gee. Overstrand se musiek liefhebbers sal onthou dat Gustavo die pianis was wat in Augustus 2008 tydens die ingebruikneming van die vleuelklavier opgetree het en dat hy in Januarie 2011 teruggekeer het. Ons sien uit na 'n uitmuntende uitvoering van werke deur Bach, Chopin, Rachmaninoff, Ravel en Schubert.

Kaartjies kos R100 (R50 vir studente). Bespreek by BELLINI-gallery in Village Square of skakel hulle by 028 312 4988. Kontak René du Plooy by 082 940 4238 vir verdere navrae.





# VERMINDER, HERGEBRUIK EN HERWIN

Johan van Taak, bestuurder van vaste afval by Munisipaliteit Overstrand, meen al is Suid-Afrikaners nog donkier agter sekere dele van die wêreld wanneer dit by herwinning kom, is daar goeie vordering. 'n Goeie ding as mens in ag neem wat alles by vasteafvalbestuur betrokke is.

## Vaste afval in perspektief

Vasteafvalbestuur behels veel meer as bloot die verwydering van swart- en deurskynende sakke een of twee keer per week. Hoewel munisipaliteite volgens wet verantwoordelik is vir die verwydering van en wegdoening met afval, meen Van Taak dat vullis bestuur moet word met net een doel voor oë: om die omgewing te beskerm!

Hy sê voorts dat die nuwe wet op vasteafval baie streng is en dat die vereistes waaraan voldoen moet word, al hoe strenger word. Alle stortings-terreine moet 'n lisensie hê wat uitgereik word deur die Departement van Omgewingsake met verskeie voorwaardes waaraan voldoen moet word, soos byvoorbeeld om gereeld aan die departement oor interne en eksterne oudits verslag te doen.

Stortingsterreine is ook nie net 'n oop stuk grond of 'n gat waarin vullis gegooi word nie. Voordat nuwe stortingsterreine ontwikkel kan word, moet 'n omgewingsimpakstudie gedoen word om te bepaal of die terrein geskik is vir die doel of nie. Daarna word 'n sel by die stortingsterrein ontwikkel en met 'n ondeurdringbare voering uitgevoer om te verhoed dat ondergrondse water besoedel word. Dié sel lyk soos 'n dam waarin die vullis gestort word en word voorsien van 'n drie-neringspyp om die loog (die water wat deur die vullis perkoleer) na 'n loogdam en uiteindelik na die rioolstelsel te dreineer.

Die bou van so 'n sel ooreenkomstig die vereistes van die Departement van Omgewingsake kos miljoene rande. Overstrand is juis tans besig om by die Gansbaai-stortingsterrein twee nuwe selle te bou teen 'n koste van R8.4 miljoen.

Om so 'n sel se leeftyd te verleng, moet ons alles moontlik doen om te verhoed dat herwinbare produkte nie in die sel beland nie. Dink dus mooi voordat items goedsmoeds in die vullisdrom gegooi word. Verminder vullis, hergebruik items en herwin: Dis die sleutel!

## Komaan, doen jou deel!

Die sukses van herwinning hang grootliks af van die deelname van huisbewoners en sake-ondernemings. Herwinning is ook gekoppel aan die volumes wat herwin word. By die Hermanus-oorlaastasie, byvoorbeeld, is daar 'n herwinnings-aanleg met 'n vervoerband. Werkers staan langs die vervoerband en haal alle herwinbare produkte uit voordat die vullis na die stortingsterrein gaan.

By die Gansbaai-stortingsterrein het ons ook 'n herwinningsaanleg, maar die werkers sorteer met die hand want die volumes is té laag om die koste van 'n vervoerband te regverdig. Die winsgrens op herwinbare produkte is baie klein, en as daar dus nie groot volumes is nie, kan 'n herwinnings-aanleg nie suksesvol bedryf word nie.

Nog 'n probleem is dat omtrent die helfte van die huise in die Overstrand vakansiehuse is, en dat die naweekbesoekers wat hierdie huise huur, nie altyd herwin nie.

## Só werk herwinning in Overstrand

Elke huisbewoner kry 'n deurskynende sak waarin alle papier, karton, blikkies, glasbottels en plastiek geplaas moet word. Op die dag van ullisverwydering word die deurskynende sak verwyder en na die herwinningsaanleg vervoer waar dit gesorteer en gebaal word. Vir elke deurskynende sak wat deur 'n huishouding uitgeplaas word, word 'n nuwe een ter vervanging voorsien. Walker Bay Recycling (plaaslike herwinnaar in Hermanus) en Enviroserv (herwinnaar in Gansbaai) haal self ook alle herwinbare produkte by besighede af.

Elke huishouding mag weekliks óf een "Wheelie"-drom óf vier swartsakke huisvullis uitplaas waarvan slegs een sak tuinvullis mag wees. Hierteenoor kan enige hoeveelheid deurskynende sakke met herwinbare items uitgeplaas word. Onthou egter dat vullis slegs op die dag van verwydering op die sygaardje geplaas mag word.

As jy onseker is hoe jy jou deel kan doen, of waar om deurskynende sakke af te haal, skakel gerus Hermanus 028 313 8090, Kleinmond 028 271 8404, Gansbaai 028 384 8351 en Stanford 028 341 8500 of rig 'n e-pos aan [jvantaak@overstrand.gov.za](mailto:jvantaak@overstrand.gov.za).



Stortingsterrein



Herwinning



Vullisverwydering



Afval

## VERSAMELING VAN PLAASLIKE GESKIEDKUNDIGE BELANG vind 'n permanente tuiste by die Hangklipbiblioteek op Bettysbaai

Het jy enige artikels van geskiedkundige belang - hetsy kontemporêr of histories - oor Rooiels, Pringlebaai of Bettysbaai in jou besit? Hierdie kan koerantknipsels, briewe, foto's, sketse of enigiets dergelik met 'n historiese waarde wees.

Indien wel, oorweeg asseblief om hierdie insiggewende artikels goedgegunstig te skenk aan die Versameling oor Plaaslike Geskiedenis vir veilige bewaring in Bettysbaai se openbare biblioteek. Die bibliotekaris en die groep wat na hulself as

Vriende van die Biblioteek verwys, het ingestem om alle materiaal wat op hierdie wyse ontvang word, te versamel, te sif en te bewaar.

Jou hulp en kundigheid sal hoog op prys gestel word. Datums vir periodieke vergaderings om aan die versameling te werk, sal op die biblioteek se kennisgewingbord aangebring word.

Enige navrae kan gerig word aan Rosaline Matthews by Bettysbaai se bibliotek (028 272 9263) of aan Pip Prinsloo (028 272 9949).



## VUURWERKE

Ingevolge Overstrand se Brandverordening mag vuurwerke nie sonder die toestemming van die Brandweerhoof afgevuur word nie. Eienaars van persele vanwaar vuurwerke afgevuur word, sal verantwoordelik gehou word.

Op Oujarsaand mag vuurwerke uitsluitlik vanaf die volgende plekke afgevuur word, en dan ook net tussen 22:00 - 01:00: Grottostrand, oos van die Blouvlagstrand; Hawston se hawe en strand; Uilenkraalsmond se strand; Stanfordsbaai se strand en Kleinmond se hoofstrand.

Enige oortreding van hierdie verordening kan swaar strawwe, met inbegrip van tronkstraf, tot gevolg hê. In belang van almal se veiligheid en gemoedsrus, hou asseblief by hierdie reëlings.

## SÓ SLUIT KANTORE IN FEESTYD

Munisipale kantore, met inbegrip van biblioteke sal vanaf 13:00 op Dinsdag, 24 Desember, gesluit wees maar sal weer soos normaalweg om 07:45 op Vrydag, 27 Desember, vir sake open. Hierna sluit die kantore weer om 13:00 op Dinsdag, 31 Desember, en heropen dan eers weer op Vrydag, 3 Januarie aangesien die 2de Januarie ook 'n openbare vakansiedag in die Wes-Kaap is.

Gedurende hierdie tye sal die lewering van noodsaaklike dienste egter soos normaalweg voortgaan. Onthou, munisipale rekeninge kan via die Easy Pay@-stelsel by verskeie kettingwinkels sowel as by die Poskantoor vereffen word. In geval van nood, kontak ons 24-ur-beheerkamer te eniger tyd by 028 313 8111.

## BELANGRIKE NOMMERS

### Kantoorure-nommers:

Ma - Vry 07:45 - 16:30

Hermanus-skakelbord	028 313 8000
Gansbaai-skakelbord	028 384 8300
Kleinmond-skakelbord	028 271 8400
Stanford-skakelbord	028 341 8500

### Na-ure-noodnommers:

24-ur-noodbeheerkamer	028 313 8111
Brandweerafdeling	028 312 2400
Verkeersafdeling	028 313 8111
Overstrand-wetstoepassing	028 313 8111
Ambulans	10177
NSRI	028 312 3180
Marine- en Kusbestuur	028 313 2703
Hermanus Provinsiale Hospitaal	028 313 5200
Hermanus-privaaathospitaal	028 313 0168
Hermanus-kinderwelsyn	028 313 0831
Hermanus-dierewelsyn	028 312 1281
Hermanus-polisie	028 313 5300
Gansbaai-polisie	028 384 0201
Stanford-polisie	028 341 0601
Hermanus-brandweer	028 313 8980
Gansbaai- en Stanford-brandweer	028 384 8374
Kleinmond-brandweer	028 271 8449

# RUIM JOU WERF OP IN BELANG VAN ALMAL SE VEILIGHEID EN SEKURITEIT

Teen die agtergrond van die veiligheidsvereistes soos uiteengesit in artikel 34(2) van die Verordening rakende Gemeenskapsbrandveiligheid is dit gebiedend noodsaaklik dat eienaars van eiendomme ag slaan op hul verantwoordelikheid om die akkumulasie van vlambare materiaal, met inbegrip van plantmaterie, op hulle persele te verhoed.

## Vereistes in hierdie verband verklaar:

- Gras en grondbedekkende plante mag nie hoër as 500 mm wees nie.
- Uitheemse indringerplante, soos Port Jacksons, moet verwyder en beheer word deur gereeld terug te snoei of met onkruidodders te behandel.
- Fynbos moet onder 50%-digtheid gehou word, en alle dooie hout op grondvlak moet verwyder word.
- Gewenste struik en bome moet vanaf grondvlak op skoongemaak word tot op 'n minimum van 1,2 m indien hoër as 3 m en 'n minimum van 500 mm vir struik en bome van tot 3 m hoog.
- Die verwydering van ondergroei en dooie hout onder alle gewenste en beskermde (met inbegrip van melkhou-) ruites en digte bosse in residensiële areas is gebiedend noodsaaklik aangesien dit die brandgevaar verhoog en kan veroorsaak dat hierdie kolle aan die brand slaan weens gloeiende kole wat vanaf nabygeleë brande aangewai word. Hierdie is ook 'n maatreeël om te verseker dat plekke waar gesteelde goedere versteek en kriminele kan wegkruip tot 'n minimum beperk word.
- Eiendomme van tot 1 hektaar in omvang moet na behore skoongemaak word, en groter persele moet van 'n voorbrand van minstens 5 m in breedte langs alle grense voorsien word.
- Alle ander vlambare materiaal wat 'n brandgevaar veroorsaak, moet verwyder of veilig gestoor word.
- Alle tuinafval voortspruitend uit opruimingswerk sowel as ander ontvlambare materiale moet na die plaaslike depot geneem word. Waar eienaars nalaat om aan hierdie vereiste te voldoen, sal die Raad geen ander keuse hê as om sodanige materiaal op die eienaar se koste te verwyder nie.

Die Munisipaliteit voer 'n minimum van twee inspeksies per jaar oral in sy regsgebied uit en sal nakomingskennisgewings bestel op alle eienaars wat nie aan hierdie vereistes voldoen nie, welke eienaars dan binne 28 werksdae van die gevaar ontslae moet raak of die saak moet regstel. Nalating om hieraan te voldoen, sal tot gevolg hê dat die eienaar die koste moet dra van die remediërende aksie wat die Munisipaliteit namens hulle neem, met 'n administratiewe heffing van nie minder nie as R1 000 wat tot die munisipale rekening bygevoeg sal word. Die Munisipaliteit sal ook, redelikerwys, proaktief reageer op enige klagtes wat vanaf inwoners oor toegegroeiende eiendomme ontvang word, in welke geval dieselfde proses gevolg sal word.



Gegewe die tradisionele jaarlikse brandseisoen in die Kaap, wat vanaf Desember regdeur tot April van die volgende jaar loop, word 'n beroep op alle eienaars gedoen om hulle persele teen die laaste dag van November elke jaar skoon te maak. Grondeienaars wat hulle eiendomme ooreenkomstig wil laat skoonmaak, kan inligting oor opruimingskontraakteurs van die Brandweerdienste of die onderskeie administrasiekantore verkry.



## PARKEERGELDE: GROTTO & KLEINMONDSTRANDE

Aflaai per bus (meer as 14 sitplekke)	R110.00
Geparkeerde busse: munisipale parkeerterrein per dag	R170.00
Per voertuig per dag of gedeelte van 'n dag (Wes-Kaapse Desember-skoolvakansie)	R10.00
Inwoner permitte per jaar (slegs twee per eienaars van erwe)	R40.00
Seisoenkaartjie per motorvoertuig (Wes-Kaapse Desember-skoolvakansies)	R120.00

Die bogenoemde gelde sal gehef word vanaf 4 Desember 2013 tot 14 Januarie 2014 (skoolvakansie) vanaf 08:00 tot 16:00.

Die kontakpersone vir seisoenkaartjies en inwonerpermitte (beskikbaar vanaf 1 November 2013) is as volg:

- Hermanus-administrasie: Heather Appel 028 313 8135
- Kleinmond-administrasie: Carla Swartz 028 271 8411

## PEARLY BEACH-BUURTWAG

'n Buurtwag is lankal nie meer 'n lukse nie maar 'n onontbeerlike diens. Alhoewel sekuriteitsmaatskappye goed gevestig is en hulle uitstekend van hul taak kwy, daag hulle slegs op wanneer 'n alarm deur 'n onwelkome indringer geaktiveer word.

Ons as 'n buurtwag is daar om mede-inwoners 24/7 van hulp te wees, ongeag die omstandighede. Ons is inderdaad die polisie se oë en ore en het ten doel om enige misdaad, van watter aard ook al, te bekamp sodat ons dorp veilig kan wees vir almal.

Maar 'n buurtwag kan slegs doeltreffend funksioneer indien alle inwoners en eienaars hulle daartoe verbind. Juis daarom het Pearly Beach 'n samewerking nodig: Moenie toelaat dat u as inwoner of eienaar ook deel van Suid-Afrika se misdaadstatistiek word nie.

Sou u belangstel om by die Buurtwagkorps aan te sluit, kontak ons gerus: Hoe groter die betrokkenheid, hoe groter die beveiliging van ons dorp. Ons is dit aan onself en mekaar verskuldig.

'n Maandelikse skenking van slegs R10 vir permanente inwoners en R36 vir eienaars van vakansiehuse - 'n groter risiko omdat hulle die meeste van die tyd nie bewoon word nie - sal opreg waardeer word. U bydrae sal ons in staat stel om misdaad doeltreffender te bekamp.

**Die volgende algemene buurtwagvergadering sal op Saterdag 14 Desember 2013 om 10:00 in die NG-kerksaal te Pearly Beach gehou word.**

Skakel Ghandy Kruger (SAPD) by 079 894 1626 of Marie Klaassen by 072 956 4451 om nadere besonderhede te bekom en om ons bankbesonderhede aan te vra indien u bereid sou wees om tot die beveiliging van u eiendom en u lewe by te dra.

**In die gees van welwillendheid en met Kersfees op hande, gaan ons harte en ons gedagtes uit na almal in die Fillipyne wat erg geraak is deur die verwoestende supertifoon.**



## Hoe om te registreer vir die Munisipaliteit se SMS-diens

SMS u rekeningnommer met die letters  
**SMS aan 082 338 1631** of kontak

'n Kliëntediensbeampte by u naaste Betaalsaal.

